



## Terenga 3: Hōtaka 48 – Te Reo Hangarau

### He Mihi

Tēnā koutou kua noho pātata mai ki te kanaku o Ako. He kaupapa tēnei hei whakapakari i a tātou ki te kawē i te reo o uki ki mua, kia ora ai tana mauri mō ake tonu atu. Nau mai. Haere mai.

### Hei Mahi Whakarongo

Ko 'Mana Tuauki' te ingoa o te pao a Pūkana hei whakarongo mā tātou i nāiane. Nā mātou ko te rōpū nei, a Uru Whetū, ko Tūranga Merito, ko Te Aho Winitana i tito hei akiaki i te hunga mātātahi kia whiti me he whetū hana i ō rātou ao. Anei ngā pātai hei whakautu mā koutou:

1. He aha tētehi kōrero whakahau, tohutohu rānei o roto?
2. He aha tētehi whakataukī rongonui o roto?
3. He aha te wāhi ki te kōtiro i kitea i roto i te kiriata, engari kāore i waiata?

Ka taea te hoko tēnei waiata i te whārangi a iTunes. Ko 'Mana Tuauki' te ingoa. Ko 'Uru Whetū' te rōpū.

### He Whakamārama

Kei te kaha te kitea o te reo Māori i roto i ngā pātuhi, i ngā ī-mēra, i ngā tuhinga pukamata o ēnei rā. He tohu tērā e whanake tonu ana te reo o kui mā, o koro mā. Ko te mea nui, me mau tonu te wairua Māori o ngā tuhinga kei riro i te whakaaro Pākehā.

Tēnā tirohia ēnei tauira whakarāpopoto reo e rere ana i te ao ipurangi, i te ao waea pūkoro hoki:

1. me 4kaa2 ki t 4nau (me whakaatu ki te whānau)
2. 10akoe, e t 2ngane (tēnā koe e te tungāne)
3. k whea ko2? (kei whea kōrua)
4. ka1 ano maua ka tae mai (kātahi anō māua ka tae mai)
5. ka1 te hatakehi (kātahi te hātakēhi)
6. k t kai matou (kei te kai mātou)

Kia mataara mai, e hoa mā! Kei ngaro te hōhonutanga o te whakaaro i te ao hangarau me tōna tere!

### Hei Mahi

He aha te roanga o ēnei whakarāpopotohanga ā-pātuhi nei ki te reo Māori?

1. KTK (LOL)
2. ATE (OMG)
3. PTPH (He whakataukī)
4. KER (He kīanga hei tohu i te wā)
5. KMAK (FYI)

### He Whakautu:

1. Kaha te kata/ Kino te kata
2. Aue taukiri e
3. Pai tū, pai hinga
4. Kāore e roa
5. Kia mōhio ai koe